



॥ ततः प्रविशति विषण्णो विदूषकः ॥

विदूषकः । निःश्वस्य । भो दिट्ठं । एदस्स मिअआसीलस्स रण्णो
वअस्सभावेण णिव्विण्णोमिह । अअं मिअो । अअं वराहो । अअं
सदूलोत्ति मज्झसिंहे वि गिम्हविरलपाअवच्छाअसु वणराईसु आदि
एडीअदि अउवीदो अउविं । पत्तसंकरकसाअणि कउअणि गिरिण
ईजलाणि पीअन्ति । अणिअद्वेलं सुल्लमंसभूइठ्ठो आहारो अण्हीअ
दि । तुरगाणुधावणकण्डसंधिणो रत्तिम्मिबि णिकामं सइदव्वं ण
त्थि । तदो मरुत्ते एव्व पच्चूसे दासीएपुत्तेहिं सउणिलुद्धएहिं वण
गहणकोलाहलेण पडिबोधितोमिह । एत्तएण दाणिंपि पीडा ण
णिकूमदि । तदो गणउस्स उबरि पिण्डिअ संवुत्ता । हिअो किल
अम्हेसु ओहीणिसु तत्तभवदो मिअणुसारेण अस्समपदं पविट्ठस्स
तावसकण्णआ सउन्दला णाम मम अधण्णदाए दंसिदा । संपदं णअ
रगमणस्स मणं कहेपि ण करेदि । अज्जवि तस्स तं एव्व चित्त
अत्तस्स अच्चीसु पभादं आसि । का गदो । जाव णं किदाचारप
रिकूमं पेक्खामि । इति परिक्रम्यावलोक्य च । एसो वाणासणहत्थाहिं
जवणीहिं वणपुप्फमालाधारिणीहिं परिवुदो इदो एव्व आअच्छदि
पिअवअस्सो । भोडु । अङ्गभङ्गविअलो विअ भविअ चिट्ठिस्सं ।

